



Universitätsbibliothek Paderborn

**Consolator Fidelis Et Proficientis Animæ seu
Exhortatiunculæ Spirituales Et Succinctæ In singulas
Dominicas & Festa anni divisæ, quibûs Confessarius in S.
tribunali animam Deum verè quærerentem paternè ...**

Eisvogel, Veremund

Augustae Vindelic., 1727

Dies S. Parasceves

[urn:nbn:de:hbz:466:1-52716](#)

ficiis. Fili ! non erubescimus malitiā nostrā ?

Instructio meritoria.

O quot hominum erunt, qui pro tempore Paschali adibunt sacrilegū mensam Domini ! avertamus, quia possumus, & hodie ter coram Sanctissimo illum devotionis Rythmū è S. Thoma recitemus : *Adoro te devote latens Deitas &c.* cum suspirio S. Francisci Xav. O Deus ! ego amo te, nec amo te, mi salves me &c.

Dies Mortis Dominicæ
seu

S. Parasceves.

EXHORTATIUNCULA I.

Heu ! moritur vita ! ô dolor ! Jesus aufertur ! Crucifigitur Deus ! Fili ! ubi compassio ? omnis creatura compatitur Christo morienti : Sol obscuratur : Terra concutitur : Petræ scinduntur : Velum templi dividitur : Sepulchra aperiuntur : Mortui resuscitantur : Quid hoc ? & solus miser homo non

non compatitur, pro quo solo patitur
Christus? lacrymæ ubi estis?

Instructio meritoria.

Moriamur & nos cum morituro Jesu!
quomodo? certa formando proposita,
quibus futura quam piissime transige-
mus Paschalia festa. Hæc appendamus
ad Crucem Domini. O quam grata
hæc erunt anathemata, addatur & *Offi-
cium de S. Cruce.* In hac omnis spes, &
victoria.

II.

Agnoscat ô fili! quam gravia sint
vulnera, pro quibus necesse fuit,
Christum vulnerari. *Vulnera autem Je-
su plena sunt* (ait S. August.) *miseri-
cordia, plena pietate, plena dulcedine,*
& charitate. Intra hæc quis sese non
abscondat?

Instructio meritoria.

Quinquies per hodiernam diem flexis
genibüs adoremus Crucifixum, & præ-
missis quinque *Pater & Ave* exoscu-
lum SS. Jesu vulnera cum gemitu: *Ani-
ma Christi sanctifica me, corpus Christi
salva me &c.* curre! aperta sunt.

C 3 III. Quod

III.

O uod quondam suis Origenes auditoribus, id ipsum & meo inclamo filio : *Crucifixum vides, & peccas? ô dilecte!* solus aspectus Crucifixi, & mortui Jesu nostras elicere deberet lacrymas, & quidem in tanta copia, in quanta fudit suas Catharina Genuensis exclamans : *O Amor mi! non amplius peccatum! non amplius peccatum!*

Instructio meritoria.

Ut fiat, quid agimus? per omnem vitam statuamus *feriam sextam* perpetua venerari Passionis memoriâ, eam diem aut silentio, aut S. rigore, aut abstinentiâ recolendo. Hodie oremus *Stabat Mater.* Etiam post Pascha manet Jesus in Cruce : Cur non & nos in amore?

Sabbatum Sanctum.

EXHORTATIUNCULA I.

Monitum D. Pauli est : Fratres! expurgate vetus fermentum, ut sitis nova conspersio, quia pascha nostrum immolatus est Christus. En! fili mi! morien-